



# SULTAN NAZRIN PRIHATIN, AMBIL BERAT KEPAYAHAN RAKYAT

MUKADIMAH

ISTIADAT Pertabalan Sultan Nazrin Muizzuddin Shah sebagai Sultan Perak ke-35 yang bermula dengan Istiadat Meletak Kerja Pertabalan di Istana Iskandariah hari ini disambut gembira oleh segenap lapisan rakyat jelata.

Rakyat ceria lantaran dikurniakan seorang raja pemerintah yang begitu dekat di hati mereka, prihatin serta mengambil berat tentang rakyat.

Keprihatinan baginda terhadap rakyat cukup terserlah sewaktu banjir melanda negeri Perak pada hujung tahun lalu apabila awal-awal lagi mencemar duli melawat mangsa banjir.

Malah baginda dilihat menitikkan air mata

lantaran terlalu sedih melihat kepayahan yang dilalui oleh rakyat akibat kemusnahan harta benda dan keadaan mereka yang terpaksa ditempatkan di pusat pemindahan.

Hubungan baginda dengan rakyat diserlahkan menerusi istiadat pertabalan apabila menitahkan program-program bersama rakyat diperbanyakkan, khususnya melibatkan golongan muda serta mengelak pembaziran untuk majlis baginda.

Selain itu, baginda tidak hadir dalam sesuatu program sebagai tetamu kehormat semata-mata seperti dalam program Kayuhan Rakyat di Ipoh, baru-baru ini. Dalam program tersebut,

walaupun hujan lebat baginda sanggup basah sambil mengetuai kayuhan yang disertai lebih 1,500 peserta sehingga ke garisan penamat.

Baginda turut menyerlahkan sifat merendah diri sehingga pernah dilihat berada di khalayak ramai bersama putera baginda, Raja Azlan Muzaffar Shah dan puteri Raja Nazira Safya.

Kemunculan baginda di khalayak ramai mencuri perhatian rakyat yang membuktikan betapa baginda begitu dekat dengan rakyat.




**AMANAHAH..** Sultan Nazrin bersama gambar cenderahati semasa baginda melakukan kunjungan ke Kompleks Percetakan Sri Utusan di Bangi, Selangor.



**HORMAT..** Merafak sembah kepada ayahanda Sultan Azlan Shah dan bonda Tuanku Bainun ketika Raja Nazrin bergelar Raja Muda Perak.



**PRIHATIN..** Sifat bertanggungjawab baginda terhadap rakyat jelata begitu terserlah dengan meninjau sendiri masalah rakyat yang ditimpa musibah banjir awal tahun ini.



**MEMBANGGAKAN..** Ketika dilantik sebagai ahli *Chancellor's Court Of Benefactors*, *Fellow Kehormat Worcester College* dan *Ahli Pemegang Amanah Pusat Kajian Islam Oxford*.



**TURUN PADANG..** Sultan Nazrin bersama Raja Permaisuri Perak, Tuanku Zara Salim menaiki bot selepas melawat kediaman penduduk yang ditenggelami banjir di Kampung Labit, Lenggong.